

元史卷三十三

明翰林學士亞中大夫知制誥兼修國史宋濂等修

本紀第三十三

文宗二

天曆二年春正月己未朔立都督府以總左右欽察及龍翊衛庚

申封知樞密院事和碩爲昭武王綽和爾之子達朗達賚

原作荅鄰荅里

襲父封爲句容郡王高麗國遣使來朝賀遣前翰林學士承旨布

達實哩北還皇兄行在所仍命太府太監實喇卜

原作沙刺班

奉金幣

以往辛酉封圖烈特穆爾復爲楚王高昌王特穆爾布哈爲中書

左丞相大司農王毅爲平章政事奇徹台知樞密院事皇兄遣哈

喇哈達

原作火里忽達

孫拉拉

原作孫刺刺

至京師以拜特穆爾扈從有功以

幣帛百疋卽行在賜之諸王呼圖克特穆爾薨取其印及王傳印

以賜沃濟武寧王齊齊克圖遣使言皇兄啓行之期癸亥雅克特
穆爾爲御史大夫太平王如故賜魯國大長公主鈔二萬錠營第
宅甲子太白犯壘壁陣時享於太廟齊王伊嚕特穆爾薨乙丑中
書省言度支今歲芻橐不足常例支給外凡陳乞者宜勿予從之
仍命中書右丞徹爾特穆爾總其事丙寅帝幸大崇恩福元寺遣
使賜西域諸王揚珠濟達海東鶻二戊辰遣使獻海東鶻於皇兄
行在所己巳賜內外軍士四萬二千二百七十人鈔各一錠作佛
事陝西告饑振以鈔五萬錠辛未以冊命皇后告於南郊賜豫王
黃金印回回人戶與民均當差役中書省臣言近籍沒奇徹家其
子年十六請令與其母同居仍請_繼今臣僚有罪致籍沒者其妻
其子他人不得陳乞亦不得沒爲官口從之壬申遣近侍桑嘉依
巴勒以詔往四川招諭囊嘉特癸酉命中書省宣徽院臣稽考近

侍宿衛廩給定其名籍以遼陽省蒙古高麗肇州三萬戶將校從

逆舉兵犯京畿拘其符印制敕罷今歲柳林田狩復鹽制每四百

斤爲引引爲鈔三錠四川囊嘉特乞師於鎮西武靖王吹巴勒吹

巴勒以兵守關隘甲戌復命太僕卿嘉琿獻海東鶻於皇兄行在

所罷中瑞司丙子皇后媵臣張珠通

原作住童

等七人授集賢侍講學

士等官丁丑四川囊嘉特攻破播州貓兒埡隘宣慰使楊伊埒布

哈開關納之陝西蒙古軍都元帥布哈台

原作不花台

者囊嘉特之弟

囊嘉特遣使招之布哈台不從斬其使中書省臣言朝廷賞賚不

宜濫及罔功鷹鵠獅豹之食舊支肉價二百餘錠今增至萬三千

八百錠控鶴舊止六百二十八戶今增二千四百戶又佛事歲費

以今較舊增多金千一百五十兩銀六千二百兩鈔五萬六千二

百錠幣帛三萬四千餘疋請悉揀汰從之中政院臣言皇后日用

所需鈔十萬錠幣五萬正綿五千斤詔鈔子所需之半幣給一萬
正振大都路涿州房山范陽等縣饑民糧兩月己卯以冊命皇后
告於太廟庚辰賜潛邸說書劉道衡等四人官從七品薛允等十
六人官從八品辛巳起復中書左丞史惟良爲御史中丞上都官
吏惟初入仕及驟升者黜之餘聽敘復以御史臺贓罰鈔三百錠
賜教坊司薩喇勒壬午以陝西行臺御史大夫鄂博哈雅爲中書
平章政事皇兄遣常侍博囉及特節齊先至京師賞以金幣居宅
仍遣內侍屯嘉琿原作禿教化如皇兄行在所播州楊萬戶引四川賊
兵至烏江峯官軍敗之八番元帥托爾楚原作脫出亦破烏江北岸賊
兵復奪關口諸王伊嚕特穆爾統蒙古漢人達爾罕諸軍及民丁
五萬五千俱至烏江癸未遣宣靖王邁努往行在所丙戌皇兄周
王卽皇帝位於和寧之北四川囊嘉特焚雞武關大橋又焚棧道

命中書省錄江陵汴梁郡縣官扈從者三十四人並升其階秩陝西大饑行省乞糧三十萬石鈔三十萬錠詔賜鈔十四萬錠遣使往給之大同路言去年旱且遭兵民多流殍命以本路及東勝州糧萬三千石減時直十之三振糶之奉元蒲城縣民王顯政五世同居衛輝安寅妻陳氏河間王成妻劉氏冀寧李孝仁妻寇氏濮州王義妻雷氏南陽邵二妻張氏懷慶阿勒呼木妻翟氏皆以貞節並旌其門二月己丑曲赦四川囊嘉特庚寅雅克特穆爾復爲中書右丞相立繕工司掌織御用紋綺秩正三品辛卯帝御大明殿冊命皇后昂吉爾氏廣西思明路軍民總管黃克順來貢方物壬辰囊嘉特據雞武關奪三义柴關等驛癸巳遣翰林侍講學士曹元用祀孔子於闕里囊嘉特以書誘鞏昌總帥汪延昌丙申命中書省翰林國史院官祀太祖太宗睿宗御容於普慶寺丁酉遣

晉邸部曲之在京師者還所部囊嘉特以兵至金州據白工關陝
西行省督軍禦之樞密院言囊嘉特阻兵四川其亂未已請命鎮
西武靖王吹巴勒等皆調軍以湖廣行省官托歡布色原作薛博羅
及鄭昂霄總其兵進討從之戊戌命察罕諾爾宣慰使薩題勒密
實將本部蒙古軍會鎮西武靖王等討四川諸傭雇者主家或犯
惡逆及侵損已身許訴官餘非干已不許告訐著爲制頒行農桑
輯要及栽桑圖辛丑中書省議追尊皇妣伊奇哩氏曰仁獻章聖
皇后唐古氏曰文獻昭聖皇后命有司具冊寶建遊皇城佛事雲
南行省蒙通蒙算甸土官阿三木開南土官哀放八百媳婦金齒
九十九洞銀沙羅甸咸貢方物癸卯賜吳王瑪納濟西寧王呼圖
克台默色諸王諾摩罕原作那海罕奇爾濟蘇金銀有差丙午囊嘉特
分兵逼襄陽湖廣行省調兵鎮播州及歸州已酉熒惑犯井宿辛

亥帝謂廷臣曰薩題還言大兄已卽皇帝位凡二月二十一日以前除官者速與制敕後凡銓選其詣行在以聞廬州路合肥縣地震壬子命有司造行在帳殿癸丑諸王伊嚕特穆爾等至播州招諭土官之從囊嘉特者楊伊埒布哈及其弟等皆來降甲寅立奎章閣學士院秩正三品以翰林學士承旨和塔拉都哩默色集賢大學士趙世延並爲大學士侍御史薩題翰林直學士虞集並爲侍書學士又置承旨供奉各一員更鑄鈔板仍毀其剞者調河南江淞江西山東兵萬一千及左右翼蒙古侍衛軍二千討四川乙卯置銀沙羅甸等處宣慰司都元帥府丙辰奉元臨潼咸陽二縣及輝和爾八百餘戶告饑陝西行省以便宜發鈔萬三千錠振咸陽麥五千四百石振臨潼麥百餘石振輝和爾遣使以聞從之永平大同二路上都雲霄兩府桂齊衛皆告饑永平振糧五萬石大

同振糶糧萬三千石雲霄府振糧一月桂齊衛振糧二月真定平

山縣河間臨津等縣大名魏縣有蟲食桑葉盡蟲俱死三月辛酉

遣雅克特穆爾奉皇帝寶於行在所仍命知樞密院事圖勒噶特

穆爾御史中丞巴濟拉

原作八郎刺

翰林直學士瑪哈穆特典瑞使嘉

琿達宣徽副使章吉特僉中政院事托音

原作脫因

通政使阿海太醫

使呂廷玉給事中約羅

原作咬驢

中書斷事官呼魯古岱

原作忽兒忽答

右司

郎中必克楚左司員外郎王德明禮部尙書巴喇噶齊等從行復

命有司奉金千五百兩銀七千五百兩幣帛各四百疋及金腰帶

二十詣行在所備賜予帝命廷臣曰寶璽旣北上繼今國家政

事其遣人聞於行在所癸亥命有司造乘輿服御北迎大駕改潛

邸所幸諸路名建康曰集慶江陵曰中興瓊州曰乾寧潭州曰天

臨甲子減大官羊直丙寅伊爾特穆爾自行在還諭旨曰朕在上

都宗王大臣必皆會集有司當備供張上都積貯已爲都爾蘇所
耗大都府藏聞亦悉虛供億如有不足其以御史臺司農司樞密
宣徽宣政等院所貯充之蒙古饑民之聚京師者遣往居庸關北
人給鈔一錠布一疋仍令興和路振糧兩月還所部戊辰雲南諸
王達實布哈圖沁布哈及平章默古斯_{原作馬忽思}等集衆五萬數丞
相額爾吉訥專擅十罪將殺之額爾吉訥遁走八番達實布哈等
僞署參知政事等官已巳命改集慶潛邸建大龍翔集慶寺以來
歲興工辛未監察御史與扎爾古齊等官錄囚壬申以去冬無雪
今春不雨命中書及百司官分禱山川羣祀設奎章閣授經郎二
員秩正七品以勲舊貴戚子孫及近侍年幼者肄業甲戌舊賜都
稜特穆爾平江田百頃官嘗收其租米詔特予之開遼陽酒禁乙
亥置行樞密院以山東都萬戶伊蘇岱爾知行樞密院事與湖廣

河南兩省官進兵平四川伊蘇岱爾以病不往命明塔克棟阿爲
蒙古巫覡立祠丁丑文獻昭聖皇后神御殿月祭特命如列聖故
事僧道伊嚕勒昆珠赫達實密爲商者仍舊制納稅丙戌囊嘉特
所遣守隘碉門安撫使布達斯戢原作布塔思監等降於雲南行省丁亥
雨土彙夏四月己丑時享於太廟辛卯命伊爾特穆爾王布琳濟
達代伊蘇岱爾討四川布琳濟達以母老辭同僉樞密院事傅巖
起請往從之壬辰匠官年七十者許致仕浚鄆州漕運河甲午四
番衛士各分五十人直東宮丁酉給鈔萬錠爲集慶大龍翔寺置
永業戊戌以陝西久旱遣使禱西嶽西鎮諸祠賜衛士萬三千人
鈔人八十錠四番衛士舊以萬人爲率至是增三千人已亥湖廣
行省參知政事博囉奉詔至四川赦囊嘉特等罪囊嘉特等聽詔
蜀地悉定諸省兵皆罷癸卯皇帝遣武寧王齊齊克圖中書平章

政事哈瑪爾圖來錫命立帝爲皇太子命仍置詹事院罷儲慶司
陝西諸路饑民百二十三萬四千餘口諸縣流民又數十萬先是
嘗振之不足行省復請令商賈入粟中鹽富家納粟補官及發孟
津倉糧八萬石及河南漢中廉訪司所貯官租以振從之德安府
屯田饑振糧千石常德澧州慈利州饑振糶糧萬石振衛輝路饑
民萬七千五百餘戶丙午封博囉布哈爲鎮南王占臘國來貢羅
香木及象豹白猿戒翰林典瑞兩院官不許互相奏請璽書以護
其家諸王分邑達嚕噶齊受代不得仍留官所其父兄所居官子
弟不得再任辛亥振鄧州諸縣被兵逃戶糧三千六百石壬子振
通州諸縣被兵之民糧兩月被俘者四千五百一十人命遼陽行
省督所屬簿錄護送歸其家丙辰行在所遣濟爾噶朗等至京師
河南廉訪司言河南府路以兵旱民饑食人肉事覺者五十一人

餓死者千九百五十人饑者一萬七千四百餘人乞弛山林川澤之禁聽民採食行入粟補官之令及括江淮僧道餘糧以振從之江淞行省言池州廣德寧國太平建康鎮江常州湖州慶元諸路及江陰州饑民六十餘萬戶當振糧十四萬三千餘石從之諸王哈喇岱爾言黃河以西所部旱蝗凡千五百戶命振糧兩月大都興和順德大名彰德懷慶衛輝汴梁中興諸路泰安高唐曹冠徐邳諸州饑民六十七萬六千餘戶振以鈔九萬錠糧萬五千石大都宛平縣保定遂州易州振糧一月靖州振糶糧九千八百石濮州鄆城縣蠶災大寧興中州懷慶孟州廬州無爲州蝗廣西獠寇古縣五月丁巳朔復賜魯國大長公主鈔二萬錠以構居第賜雅克特穆爾祖父紀功碑銘碩達勒達路烏蘇果勒千戶所大水已未遣翰林學士承旨額哩音特穆爾北迎大駕命司天監禳星昌

王巴拉實哩還鎮庚申太白犯鬼宿積尸氣癸亥復遣翰林學士承旨鄂爾多迎大駕乙丑命有司給行在宿衛士衣糧及馬芻豆以儲慶司所貯金三十錠銀百錠建大承天護聖寺給皇子宿衛之士千人鈔四番宿衛增爲萬三千人至是又增千人甲戌命中書省臣擬注中書六部官奏於行在所乙亥幸大聖壽萬安寺作佛事於世祖神御殿又於玉德殿及大天源延聖寺作佛事丙子武寧王齊齊克圖中書平章政事哈瑪爾圖至自行在所致立皇太子之命賜齊齊克圖金五百兩餘有差改儲慶使司爲詹事院巴延特穆爾布哈及江南行臺御史大夫阿爾斯蘭哈雅江瀚行省平章政事曹立並爲太子詹事又除副詹事詹事丞及斷事官家令司典寶典用典醫等官丁丑帝發京師北迎皇兄皇帝戊寅次于大口徵諸王丹巴

原作
鼎八

入朝庚辰次香水園置江淮財賦都

總管府秩正三品隸詹事院陝西行省言鳳翔府饑民十九萬七
千九百人本省用便宜振以官鈔萬五千錠又豐樂八屯軍士饑
死者六百五十人萬戶府軍士饑者千三百人振以官鈔百三十
錠從之給保定路定興驛車馬又振被兵之民百四十五戶糧一
月真定路民被兵者二千七百四十八戶亦命振之上都德濟原作
送諸位宿衛士及開平縣民被兵者並振以糧大名路蠶災六月
丁亥朔皇帝遣近侍馬奇塔特原作馬奇塔台拜布哈原作別不花至丁酉特
穆爾布哈以早乞避宰相位有旨諭之曰皇帝遠居沙漠未能卽
至京師是以勉攝大位今亢陽爲災皆予闕失所致汝其勉修厥
職祇修實政可以上荅天變仍命馳奏于行在己亥江淞行省言
紹興慶元台州婺州諸路饑民十一萬八千九十戶乙巳命中書
省逮繫額森努爾以還丙午永平屯田府所隸昌國諸屯大風驟

兩平地出水丁未太白晝見庚戌次於上都之六十店辛亥陝西
行臺御史孔思迪言人倫之中夫婦爲重比見內外大臣得罪就
刑者其妻妾卽斷付他人似與國朝旌表貞節之旨不侔夫亡終
制之令相反況以失節之婦配有功之人又與前賢所謂娶失節
者以配身是已失節之意不同今後凡負國之臣籍沒奴婢財產
不必罪其妻子當典刑者則孥戮之不必斷付他人庶使婦人均
得守節請著爲令壬子海運糧至京師凡百四十萬九千一百三
十石是月陝西兩賜鳳翔府岐陽書院額書院祀周文憲王命設
學官春秋釋奠如孔子廟儀皇帝遣吏部尙書伯勒齊爾布哈還
京師命中書集老臣議振荒之策時陝西河東燕南河北河南諸
路流民十數萬自嵩汝至淮南死亡相藉命所在州縣官以便宜
振之順元思播州諸驛因兵興馬多羸斃驛戶貧乏令有司市馬

補之益都莒密二州春水夏旱蝗饑民三萬一千四百戶振糧一
月陝西延安諸屯以旱免徵舊所逋糧千九百七十石永平屯田
府昌國濟民豐贍諸署以蝗及水災免今年租汴梁蝗衛輝蠶災
峽州旱淮東諸路歸德府徐邳二州大水秋七月丙辰朔日有食
之丁巳次上都之三十里店宗仁衛屯田大水壞田二百六十頃
戊午大都之東安薊州永清益津潞縣春夏旱麥苗枯六月壬子
雨至是日乃止皆水災已未更定遷徙法凡應徙者驗所居遠近
移之千里在道遇赦皆得放還如不悛再犯徙之本省不毛之地
十年無過則量移之所遷人死妻子聽歸土著著爲令征京師僧
道商稅癸亥太白經天丙子帝受皇太子寶辛巳發諸衛軍六千
完京城冀寧陽曲縣雨雹大者如雞卵令諸王封邑達嚕噶齊推
擇本部年二十五以上識達治體廉慎無過者以充或有冒濫罪